

山左金石志

山左金石志卷第十二

兵部尚書都察院右都御史總督湖廣等處地方軍務兼理糧餉前山東巡撫加三級銜元

同撰

內閣學士禮部郎中專差是齋閣閣事提督江蘇省學政前山東學政加三級銜元

唐石

醴泉寺誌公碑

開元三年十月立正書碑高五尺五寸廣三尺三寸在鄒

平縣城西南三十里贊堂嶺下

大唐齊州章邱縣常白山醴泉寺誌公之碑

額入分書六行字徑二寸中間造像

三軀又比丘道寂主藏義淨題名二條

口口京大薦福寺口口勅昭慶口綴文沙門元口位

下闕

大薦

福寺 勅翻經院校勘沙門正智寺都維那僧道寂建此寺及

此碑

伊昔□□□□□□寂滅之名覺日猶□昌□識□空之相

□夫金□下降舍□□淨月之光寶教旁流□□受元□之潤

三車□駕火下闕香不息所以化身周流於刹土神足遍□於

塵沙或十六聲聞駐形□里一方菩薩納景涼臺觀□背嶺以

宣慈清辯赴下闕朱□曰□□游佛法之美翠塗丹□咸□玉

成之舍蓋利生□道稱境發緣□不人□其符□能使諦幢高

建者矣今此醴泉寺者是宋齊下闕者□□□□卽□□身之

菩薩□遊神境來屆茲山棲託□阿盡修禪寂以爲此地元武

之分青龍所憑□□首以開疆□天齊而劃野却下闕司□之

□居九合一匡齊桓公之霸國爾其常白山者迺摩天□地晦

映蔽虧抱泉石以娛神出雲霞而□性山毛地髮名花將軟草

連芳下闕此人□□□□□形勝□建招提自後七級崇圖□

起舍□之構五層峻闕重標戴勝之門海□山亭妙相殫於變

態虹梁鳥革大壯

下闕

綴□霞□□畫□□塵尾□□香壚水

調八能之聲風□五音之說息心之輩見流注以超昇迴向之

徒仰幽岡而悟入時逢□卷代屬

下闕

林□□寥落幽巖

我國家□頂四天纂圖千帝以佛乘爲鳥馬因道品爲城郭八

方起塔□□遺形九□聚鑑情殷造

下闕

於□廟□□佛並□

此□□通堯日三齊□□梵境以翹誠四履□昌仰釋天

而矯首又屬

中宗孝□皇帝龍興漢道馬入天經

下闕

互

周法界去景龍二年歲次景午爰有齊州正智寺都維僧仁方

俗姓李字道寂慨茲墮抗表典崇

天鑒至誠特賜名額

叅校□應建

下闕

而還泰靈山掩以重開法俗歡康人神舞悅

初師之行進□也夢乘舸上山及翌日赴朝听削無□□□與

廢默定通口懸期故能下闕車上將欲赴州口口三藏口淨法

師希代高僧天下重德先奉勅於大薦福寺翻超經律以

口口口口觀此勝緣口城在東倍增下闕四口口口五濁德口

人天之表名揚宇宙之間口應難口神功巨測及將命星口載

達章口口口香緣天口口臨口口時方口令楊口口代傳下闕

絃歌口口口口即以二月八日親率闔境老幼大會新寺表慶

天恩又於靈廟之前尊卑就列雁行齊聽魚貫口口其令

通下闕見口醴泉流口修廣三四尺深淺二尺餘色淨口甘口

口瑞典挹酌同飲咸覺獨疴莫不以口福口圓三靈允荅光揚

寶口滋液金場下闕州口上聞聖情垂感有勅改名

爲醴泉寺仍更口入冊九僧住持行道自元波再委碧題重開

日殿赫而扶昇月宮華而桂滿若下闕海口口以齊深戒月

澄空□□密霧禪燈焰室□避輕風濯□路之龍津洗毗曇之
鳥眼長祛五住遠効四周刷鴻鴈以飛雲轡下闕結生之地續
柱□□有情根□之方□鳴金□樹功不朽流播無窮斯並

先帝之本願莊嚴法師幽贊威神之所致也又師遊戲生死

下闕

如親對卽平時所將□□亦素且例厥□□無願不從迺

至有患心痛者但取□前少土和水服之應時便愈□形是託
神靈保持由是下闕寺久傳師本俗姓朱氏金城人也少出家

□京道林寺僧儉法師爲和上業存禪□長□始初漸彰異□

居止不定飲食無時長髮跣足每

下闕

不□發應驗如神或□

視通□北都分□遍□南國奇怪忽恍不可殫論以天監十三

年歲次甲午十二月八日□內

下闕

示終時有異百□□芬馥

特勅厚加殯送葬於鍾山獨龍阜仍於墓所立開善精舍

勅陸倕製銘於冢內□□勒碑於寺門

下闕

化生及其去

也以積靈度物哀□廣積福祚皇王且彼託鍾山此依常白彼
葬龍阜此瘞□臺前王□風建開善於墳側後 帝傾景闕

下闕

至今大唐太極元年歲次壬子

皇帝御天下之三

載凡一百九十九年化化之緣古今無盡明明之德日月□新
其所變現之梗概猶 下闕之□□所□諒恭敬者隨時受福疑
慢者應念立徵事跡繁夥不可備載當嘉聲上徹 先帝令

□臺監察御史于務先親加檢覆被繡

下闕

八正所以知歸一

屬昔緣獲未曾有以後復命倍□

天心刺史楊□禮分符

北極露冕東藩靈雨逐於行車仁風隨於轉扇黃金捧

下

闕牆新法城追爲□於上乘□□□不翅緝繩實地助勳天

宮薦瑞香園延光

帝載縣□主簿縣尉□含章□學行道

入口俱齋財集

下闕

以口口羣物揚舡彼岸

錄事口宰鄉

口等門滋蘭畹行擢檀芽忠信滿於州閭因果達於古後被命

委口口奉口口口隨攜朋

下闕

暗口大地荷於津通貝樹根春

帝王之口文秩矣金口口界諸佛之正道通矣迷津口路

菩薩連載之乘行矣齊口短口衆生趣入之

下闕

範況元天大

造充溢於盡空淨域鴻緣牢籠於無外昔迦葉口下如來垂讚

嘆之鴻彌勒堂口善財表口揚之偈若稽古訓式樹口碑仍於

下闕

遂銘曰

義天兆昧優花未披但迷五蘊孰辨三伊

厥口火宅耀我金儀神足繼軌口子揚口口口有口口觀方擇

土藏表口口旋問

下闕

網煖我寶地壤我金場花殘鷺沼烟口

龍香霞標歇滅石徑荒涼

其二

萬寓乘星千齡慕帝日月連璧飛

行口契比念新口口口口口高梯

下闕

精標五門玉墀倣感錫

口興存其五欲赴天泉口規國德寄誠墳廟傳詞翰墨瑞醴通流

嘉祥允塞重光佛口口題宸極其六口軒加飾口盛下闕其七

先帝聖靈聿資神鏡真口默讚分形散影既墓彼山又墳茲嶺

寶鐸雙振金繩共炳化變新新真身永永其八初口泉佛時口口

口天口降下闕宜聞諸典故鐫金鏤玉道該縉素式讚元猷爰

口淨虔勒像賢刳刊碑覺路其十

開元三年歲次乙卯十月己酉朔十五日癸亥立下闕

右碑文三十六行字徑八分下截已斷陷入跌中文字殘

蝕不全每行祇存五十四字寺在鄒平縣碑額則稱章邱

縣據鄒平縣志載費堂嶺在城西南三十三里距章邱三

十里以山脊爲界西屬章邱東屬鄒平今醴泉寺在費堂

嶺之東麓宜屬鄒平想唐時章邱界址必逾嶺而東也長

白山碑作常白山醴泉寺碑作醴原寺皆通用字醴泉在寺右百步石壁下讀此碑知醴泉之出始於道寂修寺之年碑云景龍二年歲次景午案中宗神龍二年是丙午若景龍二年爲戊申不知碑何以致誤也

贈歙州刺史葉慧明碑

開元五年七月立八分書篆額碑高七尺二寸廣二尺九寸舊在金鄉縣治今佚

唐歙州故葉府君之碑

篆額三行字徑三寸

大唐贈歙州刺史葉公神道碑

并序

江夏李邕口

國子監太學生

公諱慧明字德昭南陽郡人也其先系自軒后殄于周文聃季食沈于高封葉因爲氏矣逮問政口孔好龍得真代有聞也昔

者惟帝典運乃聖炳靈風雲相從卜夢通感閒氣駿發良弼大
來有開必先憑物爲鳥口目然矣則我使君降口府乘道流追
蹤隱淪叶契幽叟結廬澗沚考盤巖椒同人利貞遁代勿用雅
好酒德尤邈老經語言解頤精口絕倒誘進不倦虛納盡口好
事集門長者關里每至升月帷戶咏風林薄植杖嘯谷席皮琴
山泰然樂生澹乎忘老方口維性壽邇神僊徇赤松之遊縱黃
口之術外身先物歸根致柔緣以大旃持以大定色理不盪寵
辱不驚繩繩焉熙熙焉孔德之容网可測已故師長旌禮邦族
與化智者謂智仁者謂仁雖褐寒桑樞紵衣韋帶必避途加敬
裏風惕息焉是用克聞于家大育厥肩則我越公襲上德延慶
靈生而知之學而習之有專門之資得不承之業纔亂狃道旣
冠同元訊遠岳之福庭覩幽尋之方士陳吼雷駭吐刃電光沈

海莫濡蹈治匪藝呵萬鬼溺百神啟陰官之符變冥司之錄追
究往事坐知來茲膏肓無所遁其形霧露不能滋其疾奇跡多
緒嘉聲日聞是以 大君孔休辟令荐至入自臥內問以咎
徵造膝必誠遇事偕中時更四紀代且五王順風以請天師敷
衽以近 皇極緇素莫能出右公卿是惟虛左 國家有

事天地將旅海岳公當致禮加璧能事潔羞傳駟載途郡邑迎
謁者歲四三焉自項賊口齋禍小人吹蠱敢爲戎首興此厲階
天步未亨人事將殆公乃極陳幽贊大啟聖猷枚卜撰辰
竝走羣望作爲邦翰先口主憂殄勦元兇翼扶 皇統是嘉

厥異式揚爾忠爵賞懋於身寵贈光乎考匪此父也曷訓其子
匪此子也曷揚其親松楸已行碑板未立永念終古追存孝思
驟請 闕廷第如江介遠訪才子枉逮鄙夫趙括論兵多缺

舊學班固述史實賴家書顧惟成章實愧貞石其詞曰

眞隱夷軌默僊解形倬哉獨立企古遐征殆庶元德升觀丹經
服鄉不涅光咏無營築卜岑渚上藥侍琴徐嘯風谷緩步月林
白雲怡意清泉洗心曷勝不往曷奇不臨迹因神遠情隋地深
舉代方籍皇口未軾肇口懿子載揚令德左慈致物越人辨色
司察鬼謀役使神力寵被 五君聲聞八極日嘗薄蝕

國有多難兇慝口揚忠烈憤惋亦旣先覺克圖幽贊 皇哉

神武赫然天斷薄言卽戎予以戡亂 帝念疇庸典開烈士

豈曜厥身寔贈于父未藩乃錫紫綬是與存致歿榮忠仲孝舉

烈烈桐柏緒風興悲表墓有闕紀德無詞哀哀嚴蔭纓纓孝思

孰傳終古是建豐碑

贈慧明銀青

空五字

歙州刺史子道士瀟

善授鴻臚卿封越國公

開元五年太歲丁巳鵠尾七月夷剽七日甲辰建闕口州張口

口口口口檢校樹碑侍者洪州翊真觀主盧齊物口

此碑元藏舊拓本文二十行行五十字徑一寸三分次行

標題下有江夏李邕口國子監太學生闕則撰書明是二

人趙明誠金石錄以爲韓擇木撰并八分書者誤也唐書

越公傳云括州括蒼人而此碑云南陽郡人蓋碑溯始封

傳據譜籍故不同耳

修闕里孔子廟碑

開元七年十月立八分書篆額碑高一丈二尺廣四尺四

寸厚一尺八寸五分在曲阜縣孔廟大成門前

孫孔夫子廟碑額三行字徑四寸

管觀元化陰藏上帝元造雖道遠不際而運行有符揚推大抵

宜考神川建人統之可復補天秩之將積其揆一也昔者蚩尤
怙賊厥弟驕兵巨力多徒合緒連禍則黃帝與聖首出羣龍推
下濟以君人儆勤略以戡亂逮至橫流方割包山其吞轉死爲
魚蠱食不粒則堯禹竝跡扶振隱憂道百川康四國粵若殷禮
缺周德微宋公用節楚子問鼎則夫子卓立粲然成章闢邦家
之正門播今昔之彝憲此天所以不言而成化聖所以有開而
必先其若是也故夫子之道消息乎兩儀夫子之德經營乎三
代豈徒小說蓋有異聞夫亨之者莫如天藉之者莫如地教之
者莫如夫子且沐其亭而不識其道則不如勿口荷其藉而不
由其德則不如勿運固曰消息乎兩儀者也夫博之者莫如文
約之者莫如禮行之者莫如夫子且會其文而不揚其業則不
如勿傳經其禮而不啟其致則不如勿學上代有以焯序中代

有以宗師後代有以丕訓固曰經營乎三代者也意虞舜之美不必至是贊而大者進聖君也夏桀之惡不必至是擠而毀者激庸主也伊尹之忠不必至是演而數者勉誠節也趙盾之逆不必至是抑而書者誅賊臣也至若論慈廣孝輔仁寵義職此之由於是君臣之位序父子之道明友朋之事興夫婦之倫得雖服日開覺膏雨潤黷和風清扇安足喻哉借如九皇繼統而政醇七聖同年而道合雖事業廣運偕理濟口時未有薄遊大夫僻居下國德敷既往言滿方來廟食列邦不假手於後續君長蒿業畢歸心於素王若此之盛是以騰跨百辟孤絕一人曷成名可稱取興爲大者已

我國家儒教渙寓文思灰天伸吏曹以追尊逮禮官以崇祀侯褒聖於人爵尸奠亨於國庠是用大起學流錫類孝行敦悅施

於方國光獲彌於肅宗三十五代孫嗣哀聖侯璣之字藏暉洎
族賢元亨等或專門碩儒罔墜于緒或餘波明準克揚厥聲乃
相與合而謀曰夫墟墓之地禮曰自哀聽訟之樹詩云勿剪一
則遇事遺愛一則感物允懷故乎大聖烈風吾祖鴻美故國封
井舊居川嶽歟宜其悚神馳魄膝行膜拜陳齋祭首嚴祠樹纁
垣以設防刊豐石以爲表兗州牧京兆韋君元珪字空五王國
周親人才懿德明啟風績休有名教長史河南源晉賓字光國
賢操孤興清節相遠納人以禮成俗於師司馬天水秋光昭字
子亮相門克開雅道踵武聞義必立從事可行錄事參軍東海
徐仲連功曹成陽蓋寡疑倉曹太原王道淳宏農楊萬石戶曹
博陵崔口連宏農楊履元兵曹太原王光超范陽張博望法曹
安定皇甫恮東海于光彥主曹滎陽鄭璋參軍事博陵崔調扶

風寶光訓河東裴璿隴西李紹烈□□□儀博主南陽樊利
貞曲阜縣令鴈門田思昭丞河間劉思廉主薄吳興施文尉清
河晏宏楷等宦序通德儒林秀生昇堂覩奧遊聖欽風僉同演
成乃□系□其詞曰

元天陰騭大明虛鏡神不利淫物將興正凡曰投艱在此逢聖
吞沙荐靈軒黃底定襄陵地災夏禹文命周道失序天子應聘
刪詩述史盛禮□樂雅頌穆□訓詞昭灼片言一字勸美懲惡
誘進後人啟明先覺六順勃興四維偕作元功濟古至道納來
首出列聖席卷羣才大名震曜廣學天開蒸嘗□寓誦習窮垓
帝念居室以光壽宮建侯于嗣環封庶中孫謀不泯祖德斯崇
乃刊聖烈克廣休風

朝散大夫使持節渝州諸軍事守渝州刺史江夏李邕文

正議大夫使持節宋州諸軍事守宋州刺史上柱國范陽張庭珪書

大唐開元七年歲在乙未十月乙酉朔十五日己亥建

碑陰

正書十一行行十五字

僕鄉爲令長山被檄泰安嘗謁

宣聖廟歷觀前人碑志自漢魏以來代無不修其舊制稍隘未足以副天下之望茲者

朝廷右文命開州刺史高公曼卿特爲增葺凡弊者新之狹

者廣之下者高之舊所無者創之莫不曲盡其善僕與公有一日之雅喜而謂曰公爲吾儒獲膺此委而能大其規撫俾雄麗如此可謂無負矣明昌辛亥復因奠拜過此安陽赫兢十月二

十有七日題

碑左側 宋金元題字凡六段

中山趙充馳馴道出曲阜敬謁

先聖祠下時承安改元之明年秋二十有四日題漁陽李奕里人郝无咎與焉

轉運使王純臣奉詔專詣登萊密三州賑卹恭謁先聖祠下嘉祐癸卯正月廿三日

宋熙寧六年館閣校勘呂升卿奉勅察訪京東路十月初六日自郡率官屬同謁

祠下勾當公事官律學教授方希益監南京鴻慶宮蔡堪潁州推官陳祐甫真州楊子縣令歐陽成縣主簿襲衍聖公孔若蒙許州舞陽主簿王佐同來

明昌二年十二月初四日范陽王肩元奉

命過魯祗拜林廟

奉政大夫應奉翰林文字同知制誥兼國史編修李子易因馳
驛至同朝散大夫泰寧軍節度副使兼兗州管内觀察副使劉
瑋恭拜

廟下大定十七年四月初九日

維年月日國子助教除山東東西道肅政廉訪司照磨于欽謹
昭告于

大成至聖文宣王維、王德同太極道作元氣集厥大成垂訓
萬世於赫事功拔聖之萃、王祀萬年魯廟有歸泰山可頽魯
宮巍二河海可竭魯墳業二望魯有年今始魯遊春風沂水瑟
音悠二登降有嚴洋二珮璆敢不肅恭以承、神休

延祐庚申春二月

詔振臺綱 山東廉訪司照磨于君思容乘傳經曲阜適上丁
有事于 先聖以使禮與祭 衍聖公謂君令儒嘗師成均特
具章服行事爰有祝文孔顏孟三氏子孫教授王不矜學正藍
民信謹誌于石君益都人思容字也

碑右側 唐宋金元題字凡七段

政和丙申浴沂之月莆陽陳國瑞按行學政取道闕里修謁
廟庭觀手植檜及連理木從至者屬官焦百祿

宣義郎權發遣提舉京東西路學事程振率州學教授辛炳同
謁

先聖廟下因奠

林冢政和元年九月廿六日

明年四月十二日振以職事再過闕里同管勾文字官劉詢奠

謁家廟

政和改元被旨修飾祠宇京東路轉運使陳知存點檢役事恭
謁

宣聖時季秋廿八日謹題姪鐸侍行

門人徐泗節度掌書記殿中侍御史內供奉賜緋魚袋杜兼童
子高質大唐貞元七年辛未歲二月八日祇謁拜奠

朝請大夫東平少尹兼山東西路兵馬副都總管提舉學校事
李機說被檄之徐州因得奠拜

聖師林廟明昌二年十月初七日

冀州吏劉宗煥馳驛押運碑亭木植至闕里瞻拜林廟至元六
年八月十二日記

右碑文二十一行行六十字徑寸許李邕文張庭珪八分

書案舊唐書邕本傳云開元三年擢爲戶部郎中左遷括
州司馬後徵爲陳州刺史十三年元宗車駕東封迴云云
據碑立于開元七年邕署銜爲渝州刺史當由左遷括州
司馬時已轉渝州而史失書也廷珪傳出爲河州刺史又
歷蘇宋魏三州刺史與碑言守宋州刺史合惟勳爲上柱
國亦從畧爾廷珪與邕親善屢上表薦之邕所撰碑文必
請廷珪八分書書之今此廟碑亦其一也碑載三十五代
孫嗣襲聖侯璉之字藏暉宰相世系表璉之字藏暉都水
使者襲文宣公攷璉之襲封襲聖侯當開元五年其進封
文宣公在二十七年故碑惟言其初襲封也碑中列兗州
牧京兆韋君元珪字王國長沙河南源晉賓字光國司馬
天水狄光昭字子亮元珪附子堅傳云先天中銀青光祿

大夫開元初兗州刺史卽稱兗州牧是也志稱京兆河南
太原等府三府牧各一員兗州旣升爲大都督府宜有牧
矣狄光昭見世系表云字子亮職方員外郎碑後又載錄
事參軍東海徐仲連功曹成陽蓋寡疑倉曹太原王道淳
宏農楊萬石戶曹博陵崔□□宏農楊履元兵曹太原王
光超范陽張博望法曹安定皇甫恮東海于光彥士曹蔡
陽鄭璋參軍事博陵崔調扶風賈光訓河東裴璿隴西李
紹烈□□□儀傳□南陽樊利貞曲阜縣令鴈門田思
昭丞河間劉思廉主簿吳興施文尉清河晏宏楷等名案
職官志大都督府錄事參軍事二人兗州旣屬上都督府
此碑列錄事參軍惟徐仲連一人與中下府同功士二曹
各一員餘曹各二員正與志符至志載開元元年十二月

改錄事參軍爲司錄參軍今碑在開元七年猶稱錄事所未審也碑陰文十一行行十五字正書徑一寸五分辛亥爲明昌二年案明昌元年三月詔修闕里孔子廟降錢七萬六千四百緡據此題乃知董其役者高曼卿也兩側題名自上而下以次錄之凡十三段明以後概不及何夢華云碑陰額間尚有元人題名墨蹟數行惜無人拂拭之

龍興寺陀羅尼經幢

開元九年六月立八分書凡八面高七尺六寸廣一尺二寸在淄川縣龍興寺

右經幢無書人及施主姓名經後題大唐開元九年歲次辛酉六月丁丑朔二十六日壬寅建又有天祐元年續題一行府志以此幢爲唐開元二年立者誤也

普照寺陀羅尼經幢

無年月八分書凡八面高七尺八寸廣一尺二寸在淄川縣普照寺

右經幢每面下截皆有施主題名俱正書雖無立幢年月驗其書體與龍興寺幢相似故連類及之

洪福寺陀羅尼經幢

開元九年立正書高七尺圍四尺三寸五分在新城縣洪福寺

右幢前刻經文後題施主姓名字多漫滅惟中一行有大唐開元九年歲次辛酉字極明顯知爲唐人所立

老子孔子顏子讚

開元十一年八月立八分書碑高四尺七尺廣二尺六寸

在金鄉縣學

老子讚

睿宗大聖真皇帝製

爰有上德生而長年白髮
遺象紫氣浮天函闕之右
經開五千道非常道元之

又元

孔子讚

同前製

猗歟夫子寔有聖德其道
可尊其儀不忒刊詩定禮
百王取則吾豈匏瓜東西

南北

顏回讚

御製

杏壇槐市儒述三千回也

亞聖邛也稱賢四科之首

百行之先秀而不實得無

慟焉

以上第一列

孔子讚 老子讚

右修書副使口子右贊善大夫麗正殿學士張桃奏稱先奉恩

勅令臣檢校搭

御書

睿宗大聖真皇帝集臣伏見集中具載前件讚文又見孔子廟堂猶未刊勒臣竊以爲尊儒重道褒賢紀功本於王庭以及天
下一則崇先師之德一則紀

先聖之文其兗州孔子舊宅益州文翁講堂經今千有餘載皆
未題頌臣特望搭御書讚文及陛下所製顏回讚并百官撰七
十二弟子及廿口賢讚令東都及天下諸州孔子廟堂精加繕
寫御製望令刻石百官作望令題鐫陛下孝理天下義冠古今
使海內蒼生欣逢聖造冀敦勸風俗光闡帝猷

勅旨依奏 開元十年六月十日

開元十一年歲次癸亥八月甲午朔十六日巳酉

以上第二列

朝散大夫行令武元禮

朝議郎行主簿樂思問

朝議郎行尉鄭仙邱

朝議郎行尉盧懷秀

朝請郎行尉

下闕

以上第三列

右刻分三層上層三讀凡十八行行十字前二讀睿宗製
後顏子讚稱御製謂元宗也二層奏章勅旨十七行行十
五字末紀年一行三層列令簿尉銜名五行唐時州縣未
立學校而孔子廟堂則在在有之據大觀元年金鄉縣學
記稱城西夫子舊祠唐開元中所爲讀碣猶在卽是刻也
王無競墓志殘石

開元十二年十月立正書方廣一尺八寸在掖縣西關閣

上

昭軌物□導不蒸不昭不□其□□莫不肅然就列矣□次公
之舉劾大臣庸可冀也嗚呼及今有□其猶不朽公則具舉□
其誰□□公生於齊長於魏不忘吾常□操士風嗣子日新等
虔卜遠日□成先志以開元十二年歲次甲子十月丁亥朔廿
三日己酉徙殯於魏國□葬於東萊山之正原禮也夫人范陽
□氏祔焉□□也窀穸之事可無紀乎其銘曰

萬靈秀百夫特□多才它弗克詩可興筆餘力人之望邦之傑
□□□□棘厄炎厲喪明德卜佳城于舊國銘景行永無極
右刻祇存後段十行字徑五分武虛谷金石續跋云畢湖
目檢文苑英華孫逖所撰王無競墓誌後半與此石現存
數行同因定爲無競墓誌銘攷無競見舊唐書文苑傳初

應下筆成章舉及第解褐授趙州樂城縣尉歷祕書省正
字轉右武衛倉曹洛陽縣尉遷監察御史轉殿中丞又轉
爲太子舍人出爲蘇州司馬再貶外卒卽約孫述此文
爲之而傳言祕書省誌言麟臺省皆可以通名誌言右衛
不如傳言右武衛之審矣孫述亦見文苑傳

紀泰山銘

開元十四年九月刻并額俱八分書崖高三丈一尺二尺
廣一丈六尺一寸在泰安縣岱頂大觀峯東嶽廟後石崖
南向

紀泰山銘

額八分書二行字徑一尺八寸

紀泰山銘

御製御書

朕宅帝位十有四載顧惟不德惜于至道任大難任安夫難安

茲朕未知獲戾於上下心之浩盪若涉於大川賴

上帝垂休

字空六

先后儲慶宰衡庶尹交修皇極四海會同五典

敷暢歲云嘉孰人用大和百辟僉謀唱余封禪謂孝莫大於嚴
父謂禮莫尊於告天天符既至人口既積固請不已固辭不獲
肆余與夫二三臣稽覈典繹漢制張皇六師震疊九口旌旗有
列士馬無譁肅肅邕邕翼翼溶溶以至于口宗順也爾雅曰太
山爲東嶽周官曰兗州之鎮山實惟天帝之孫羣靈之府其方
處萬物之始故稱岱焉其位居五嶽之伯故稱宗焉自昔王者
受命易姓於是乎啟天地薦成功敘圖錄紀氏号朕統承先王
茲率厥典實欲報元天之眷命爲蒼生之祈福豈敢高視千古
自比九皇哉故設壇場於山下受羣方之助發躬封燎於山上
與一獻之通神斯亦因高崇天就廣增地之義也乃仲冬庚寅

有事東嶽類於

字空四

上帝配

字空六

我高祖在天之神罔不畢降

粵翌日禪於社首侑我聖考祀於

字空四

皇祇在地口神罔不咸

舉暨壬辰覲羣后上公進曰天子膺天符納介福羣臣拜稽首

千萬歲慶荅歡同陳

誠以德大渾叶度彝倫攸敘三事百揆

時乃之功萬物由庠兆人允植列牧衆宰時乃之功一二兄弟

薦行孝友錫類萬國時惟休哉我儒制禮我史作樂天地擾順

時惟休哉蠻夷戎狄重譯來貢

字空五

累聖之化朕何慕焉五靈

百寶日來月集會昌之運朕何感焉凡今而後儆乃在位一王

度齊象灋推舊章補缺政存易簡去煩苛思立人極乃見天則

於戲天生蒸人惟后時乂能以美利利天下事天明矣地德載

物惟后時相能以厚生生萬人事地察矣天地明察鬼神著矣

惟

字空五

我藝祖文考精爽在天其曰懿余幼孫克享

字空三

上帝

惟室五帝時若馨香其下丕乃曰有唐氏文武之曾孫隆基誕

錫新命續我舊業永保天祿子孫其承之余小子敢對揚字

上帝之休命則亦與百執事尚綏兆人將多于前功而越彼後

患一夫不獲萬方其罪予弑人有終上天其知我朕維實行三

德曰慈儉謙慈者覆無疆之言儉者崇將來之訓自滿者人損

自謙者天益苟如是則軌速易循基構易守磨石壁刻金記後

之人聽詞而見心觀末而知本銘曰

維天生人立君以理維君受命奉天爲子代去不留人來無已

德涼者滅道高斯起赫赫

高祖明明室六太宗爰革隨政奄有萬邦罄天張宇盡地開封

武稱有截文表時邕字高宗稽古德施周溥茫茫九夷制平

一鼓禮脩封禪功齊舜禹巖巖岱宗衍我神主室六中宗紹運

睿宗繼明天下歸仁恭己南面氤氲化淳告成

五聖匪功伐高匪德矜盛

欽若祀典丕承永命至誠動天福我万姓古封太山七十二君

文祖光昭

舊勳方士虛誕儒書齷齪佚后求僊誣神檢玉秦災風雨漢汙

編錄德未台天或承之辱道在觀政名非從欲銘心絕巖播告

大唐開元十四年歲在景寅九月乙亥朔十二日景戌建

八分書字徑一寸四分字畧方格凡四列

四四四

岐王臣範
太子□□□□□□□□
司空邠□□

此全
行渤

鄂王臣消 □□□□□□□□□□王臣□

□王臣□ 永王□□ □王臣清 延王臣

盛王臣沐 □王臣□ 行太子少詹事負外□

□正負嗣韓王臣訥 □正卿負外置同正負嗣

□王臣□ □衛尉□□□王臣□ □太子□

□憲負外□同正負□□□□□□ 守右衛□

軍嗣□王臣□ □州刺史嗣□王臣□ □□

正卿負外置同正負嗣鄭王□□ □□□□

軍負外置□□□□□□□□□□正卿負外置

同正負嗣□王□臣□□ □□□□外置同

以下泐
八行

□□□□□□□□□□□□□□□□開□

此行全

盧從愿

寺中

以下
二行

舍人

二、以下

舍人

貪外郎

臣

中

臣盧龍秀

大夫臣

以上第一列

凡三十四行行十九字

二首
行勸

右拾遺

賣口

御史大夫臣程口

此行
全勅

御史

此行
全勅

口儀同三司太僕卿霍國

置同正貲駙馬都

志卿

庭珪

大貲外

以下勅
十五行

開國公臣李仁德 □□

關

置同正

□□守左領軍

右領

貢外置□□□□

開國公臣王

以上第二列 凡三十四行行十六字

首行
全泐

□□義

領軍□將軍□□

此後泐
六行

置同

將軍貢外置同

門

□□□□□

開 臣

以下廿一行全泐

以上第三列存十六字

□國□遙知

侍中□□

同

遙知造碑使中大夫守中書侍郎□□

□左中書門下平章事上柱國臣李元紘

以下泐三行

將軍

行左武衛將軍貲

作大□依舊□仗

大作上柱國口陽縣開

使 朝議大

柱國臣孫元慶

將作監右口

左補

臣陸去泰

縣主簿臣

臣口

賢院臣劉崇

臣尉大雅

胡

賢院臣王敬之

尉臣衛

下

都檢校

王府

朝散大夫行中書

玉冊官

書

大夫 主

登山口玉冊官口口

書臣譚崇德

大夫

以上第四列 共三十二行行十六字

右刻竝標題年月凡二十四行行五十一字徑五寸五分
此文唐書所載不全岱史及泰安志亦有駁異今悉從拓
本錄之舊濟南府志云碑下截剝落明葉彬補書百八字
形似小異武虛谷億金石續跋云舊唐書禮儀志元宗製
紀太山銘御書勒於山頂石壁之上者是也今以其文與
志參較朕宅位十有四載石本作宅帝位若涉大川石本
涉字下多於字宰相庶尹石本相作衡禮莫盛於告石本
禮字上多謂字告字下多天字震壇九寓石本作震疊以
至岱宗石本至下多于字實萬物之始石本作實惟天帝
之孫羣靈之府其方處萬物之始爲蒼生而祈福石本而
作之呼萬歲石本呼作千慶合歡同石本合作蒼迺陳誠
以德石本無迺字懿爾効孫石本爾作余刻金石石本石

作記冀後人之聽詞而見心石本無冀字又作後之人衛
我神主石本衛作衍中宗紹運舊邦惟新石本於此下多
睿宗繼明天下歸仁二句或禪亭亭石本亭亭作弈弈儒
書不足石本不足作齷齷案文之異者容所據見或有不
同若銘列祖而獨遺睿宗則下文恭己無爲正以睿皇禪
位爲詞若接屬中宗義便不相屬又儒書齷齷蓋指議封
禪儒生所錄故以齷齷鄙之作史者嫌其過詆儒書遂刪
易以不足當之斯不達其旨矣銘後題開元十四年銘敘
又作十四載年載通稱互文非如天寶元年改年爲載始
有專名也元案虛谷此跋足補前人所未及碑後刻諸王
羣臣題名凡四列字徑一寸四分有方界格皆爲明人加
刻大字橫貫交錯遂使湮毀無傳茲就空隙處細爲審辨

補圖于右庶使後之覽者得有依據上列開府儀同下有
憲字以唐書傳紀證之憲爲睿宗長子讓皇帝憲也岐王
臣範者睿宗第四子本名隆範後避元宗雙名改稱範睿
宗踐祚進封岐王太子下空五格存業字業睿宗第五子
本名隆業後改單名睿宗時進封薛王開元八年遷太子
太保是缺處當作太保薛王臣也司空邠案章懷第二子
名守禮神龍中遺詔進封邠王先天二年遷司空後以開
元二十九年薨司空邠下字雖殘闕爲守禮無疑元宗紀
開元十三年改幽州爲邠州此刻於十四年故從新改作
邠王臣涓卽鄂王涓元宗子初名嗣初後改名瑤王
臣恐是儀王臣離元宗子璿初名維永王口下案元宗
子璿封永王初名澤始卽其人口王臣清元宗第十八子

瑁初名清封爲壽王也延王臣下祇存一旁案元宗第二十子玢初名洄封延王盛王臣沐元宗第二十一子沐封盛王改名琦嗣韓王臣訥宗室世系表有嗣韓王太僕卿訥以上諸王名號皆與史傳合後段姓名可辨者惟盧從愿盧龍秀二人龍秀附見唐書桓彥傳中宗時官監察御史傳作龍秀當依石刻爲正次列可辨者庭珪李仁德庭珪闕姓殆卽張庭珪也三列姓名皆殘毀四列有李元絃孫元慶陸去泰尉大雅王敬之譚崇德諸銜名案本紀十四年四月丁巳戶部侍郎李元絃同中書門下平章事碑稱遙知造碑使者似非扈從之臣陸去泰附見唐書儒學褚无量傳歷官左右補闕內供奉今銜名存左補二字正相合也

聖壽寺石壁題字

開元十八年四月刻正書在嘉祥縣七日山聖壽石龕之
右壁題字凡三段第一段首題唐開元十八年歲次□□
四月乙卯十六日庚午後列造象男女姓名次段姓氏多
磨滅惟後梁龍德紀年尚可辨三段首題咸平二年後有
見充金鄉鎮將司空李潤妻張氏云云以鎮將兼司空銜
所未悉也

雲門山功德記

開元十九年刻行書在益都縣雲門山之陽洞西大佛龕
下

青州雲門山功德記

承議郎行益都縣令曹口高

夫代上以役人間□□茫是非之環均□□之海者久矣六代
祖□□使持節青州諸軍□青州刺史諱輪□投絜□道被東
□□從祖□孝卿剖符□□□大府久暨紉□□身體□□是
郡莫□□不□□以冥護□□□□□嗟嗟□□□□□
淨業□□□□□□羣生□□善□□大千之化獨□□□初
翹勤□□□□□□熒峨堦業□□□□□汨沉養□□□□
□□□□測惟像□能□□□

開元十九年歲辛□□□□丑朔十五日辛卯京兆□子□□
右碑字多剝蝕茲就可辨者錄之歲辛下闕字當是未字
開元十九年爲辛未歲也段赤亭云案唐書百官志散官
承議郎同出身正六品上縣令品從六中下縣令品俱從
七品以正六品爲之故曰行也

齊州神寶寺碑

開元二十四年十月立八分書篆額碑高七尺八寸廣四尺厚九寸在長清縣神寶寺

大唐齊州神寶寺之碣

篆額三行字徑五寸

上闕神寶寺記碣金口月下闕字寰纂兼書

觀夫三皇五帝氏王夏殷周漢氏作淳源渴而不流澆俗紛其方扇雖口蘭將聖老氏谷神遊龍之道德西汙歎鳳之詩書不返竟不能底交喪拯口口馬彼勦俗登茲仁壽徒存紫氣之言終絕素王之筆曷若金口口跡超十地而孤尊寶樹應期乘四輪而廣運大雄有已見口生溺之苦海於是庫橫寶筏而濟之大雄有已見諸子迷之朽宅於是庫駕舟杭而出之視之以五蘊皆空明之以諸漏以盡泊玉毫騰彩現賢力之象位金儀入

口現神通之口月經傳白馬眇閑堀以移來刹起背龍口聞旨
而錯峙遂令有國有家者得其道而四海以寧元元口口者得
其門而六塵高謝豈與夫向時之二教同日而言焉神寶寺
者寶山口而岱宗北陰岡轉急口而石壁萬尋林藪蒙口而口
口于仞貌豹躑躅人絕登臨虺蟒縱橫鳥通飛路粵有沙門
諱明不知何許人也口師德隆四輩名優六通僧徒興口羣生
宗仰晨口棘口四念經行夜宿榛口六時礼敬驪豹枕膾禪心
宋而不驚虺蟒縈身戒定澄而不亂水瓶朝滿羽仗夜來事跡
口凡故非凡測親題口記自敘因由日明以正光元年象運仲
秋于時振口錫登臨思同鷲嶺徘徊引望想若雞口歛彈指發
聲此爲福地遂表請國主駢宋人神立此茹藍以靜口爲號自
梁齊已來不易題榜屬隋季經綸生人版蕩革鼎推變真俗

盈虛今之所存殆將半矣至我

字空六

大唐御宇重遷九鼎再修

二〇四海

廓清萬邦竊統用光正道建三寶以傳燈化洽埜

衣統〇生於壽域廼格命天下有因廢茹藍先有額者並使屯

衍于時有鄉人王下應蒼州縣申聞以此寺北有寶山東有神

谷因改爲神寶寺爾其寺也望

魯開基臨齊作鎮堂宇宏壯

樓閣峩巖砌〇〇瑣階塗金碧〇容有暉瑞相無違發妙彩於

天金罄竒遺於龍石手輪舍字臨〇綴而披網眉宇舒毫鑒壁

璫而上月寺內有石浮齒兩所各十壹級舍利塔一所衆寶莊

嚴胡門洞啓石戶交暉返宇鏘鏘飛檐轍轍半天鵬起遙遙

煙霧之容竄地龍盤宛宛丹青之色挹朝霞之昉昉湛夜月之

濯濯風牽則寶鐸鎗鎗日照則花盆鼎鼎迢迢亭亭鬱鬱青青

皓皓肝

肝煥煥爛爛遠而望之炳若初日照灼皎扶桑近而

察之皿似素雲霞蔚底夕陽口之鴈塔有似飛來辭以化城還
疑湧出寔瞻仰之形勝是歸依之福田寺內先代大德僧明幹
提智惠燈口無明闇僧彥休護惜浮囊微塵不犯僧元質積行
勤苦軌範僧倫僧神解口樹論幢摧諸憍子僧宏拈持經得驗
舍利猶存僧惠冲殷念西方期心安口所造功德 觸類滋多
僧景淳釋戶綱宗元門樞紐僧貞固口心宏護結志修營僧凜
將齟齬出家童顏落彩三齋負笈猛探麟角之先九洛口口迥
出牛毛之外並俱沐 聖恩僉成道器忽鷄口風急鹿苑

霜飛早謝傳燈空懸錫影現在諸大德寺主僧慧珍戒 珠口
月道骨含星堤忍作衣瀟空成座六時禮念脇不歪床查食標
口口不再飲是慈悲父是良福田廣濟蒼生普心供養口口維
那口口沼標口千仞崖岸萬里吐妙瀝於脣吻納山岳於心曾

縱橫道門口達無礙上座僧塵外戒香紛覆有寂頭盧之

軌儀都維那僧敬祥惠劔如霜繼舍利弗之談證僧敬崇奈苑

良材橫愛河而濟羣溺僧智山祇園杞梓微瀟宇而庇蒼

生並騰麟俊藪矯鳳口口飾厚柱於春臺撫定輪於秣駕口煙

飛錫來遊歡喜之園宴坐經行寔名和合之衆故同辦寶碣高

旌福門

字空六

大唐開元神武皇帝陛下朝宗萬國口頓八宏金

鏡合七曜之輝玉燭和四時之氣慶雲澄彩瑞口呈祥仁動上

元力侔大造瀚海

天山之地盡入隄封龍庭口亢之鄉咸霑

口化封金岱嶺刻玉遷閭藻鏡乾坤光華日月刺史盧諱全口

門有卿相家襲銀璫強幹則不發私書清肅則遽然官燭矜孤

恤隱愛士慕賢故口詠入來口謨登至晚山在縣口令梁曰大

夏幹口貞口神情警悟風琴寫韻則瑞雉爭馴冰鏡澄清則祥

鸞自舞誠梵王之福地真釋帝之名區爾其潤戶深沈山扉
繚玉床雷乳問抱朴而口疑石壁盤經訪嚴遵而不識奇卉
惟木如窺須達之園瑞藥偃苗似入提伽之院爲王獻菓下
甘露於珠盤鳳女持花拂靈香於寶帳迦口頻伽之鳥百
轉閒關優曇鉢羅之花九光凌亂漢皇遊女對玉洞以傾心
季梁賢臣仰瓊堂而頓首席使文殊過去憶沙說之清塵彌
勒下生覓神功於貞石式鐫寶碣而爲頌云

大雄降跡忝山本元口有三界非無二門不生不滅若亡若
存遍看郡有無如我尊 應門惠遠蜀賓羅什明公繼茲

茄藍此立俗戶易窺真門難入遁口龍爲并後相及 大

唐 壽命當宇握鏡化洽萬邦功齊七政錄圖舒卷紫雲迴

暎惠日再暉薰風在詠 門庭華敞房宇輪煖蓮臺畫閣

危樓飛觀竹韻宮商花然灼爛僧衆虔仰士女稱歎 亭

亭妙系灼灼精廬 彫盤瞰墅鏤檻凌虛珠懸日靜鐸迴風口

口藪栖鳳到井口渠 栽栽寶碣落落神軒邪山整岫苦

海澄源錦雲震烈 穀霧風翻此中何地給孤獨園

維開元廿四季歲次景子十月丁未朔五月辛亥樹工畢

上闕僧惠口 僧下闕 右大德等並名繼此寺口口遷申勒

之在銘 紀於來代

碑側

佛說蜜多心經一卷 經文不錄

右碑文三十五行行五十四字徑一寸碑側書心經一卷

七行行書徑一寸碑記神寶寺所起先有沙門諱明以正

光元年象運仲秋立此茹藍以靜口爲號大唐御宇以寺

北有寶山東有神谷因改爲神寶寺案史記天官書斗爲
帝車運于中央臨制四鄉分陰陽建四時均五行移節度
定諸紀皆繫於斗所謂象運仲秋卽斗運也此寺舊額爲
靜口惜闕下一字無從攷證

任城橋亭碑

開元二十六年閏八月立八分書篆額碑高六尺七寸廣
二尺四寸字徑一寸在濟寧州學泮池

任城縣橋亭記

額二行字徑四寸

橋亭記

字六

將仕郎守尉游芳憲文

朝散郎行尉華容縣開

國男瑯琊王子言書

唐再受命能事脩於開元乃十有三年告成於岱

字空四

翠華之

往也則北巡濟河

字空四

玉軼之旋也則南指陳宋故

字空三

行宮

御路次夫任城焉陽門橋者跨泗之別流當魯之要術初隨時

以既濟因大駕而改功觀其壅川爲池因地設險削金堰於三

字馳道鑿石門以飛橋夾以朱欄揭以華表炳若星漢拖如虹

蜺蓋字空十乘輿乃以陽朝御六龍翊萬騎聲明紀律文物比象

迴字空四睿覽於洲渚駐字空七天蹕於川梁字空六先時望

君之來也則金繩以界之鐵鎖以扃之厥後榮字空七君之顧也

則浚池以廣之築館以旌之經始茲宇惠而不費當儲峙之末

有芻粟之餘散之則人獲鹽錢鳩之則勦以千計請爲亭館以

壯槁池故鄉老老白於吏邑吏謀於府因人之欲得事之宜馨

鼓不勝互力徒競儻爲脣構在水之陽口鮮原以迺出流古壩

而却倚危攔嶽二反宇峨二勢搖煙潭炭若飛動南軒虛明以

晃朗北室懿渟而清冷自堂徂亭邈迤幽徑上覆藤篠前臨菱

荷憑高佇目萬象皆見夫河南之勝有三槁亭得其一梁園有
口王之迹園田有僕射之陂平池曲榭美則美矣豈與夫島嶼
開合林嶂蔽虧蒹葭大荒吐納霞景畫橋南度像清洛之規虛
館口臨叶滄洲之趣有是夫有是夫任風姓之國也謠俗古遠
其太昊氏之遺人富而教之合於魯頌當案三字太平無事而朝
野多歡不然者此池何以得花縣之名吾縣何以得仙舟之目不
其才而時則有若 邑大夫滎陽鄭公延華信昭盈在道契虛
舟禮樂之行仁德歸厚 丞范陽盧瓚 主簿平昌孟景 尉
瑯琊王子言 尉河東裴迥皆士林英華學府金碧能勒左公
之節無廢會友之文嘗授簡於芳以爲之記會芳有公車之召
請俟於異時金鄉尉潁川韓邠卿舍於裴氏言於衆曰游子之
讓斯文以諸公在此諸公之意也子何辭焉因命秉燭俾芳操

翰夜而成記翌日遂行開元廿六年秋七月旬有四日云

大唐開元廿有六年閏八月五日建字三通直郎行方與縣

尉王日雲篆額

上闕尉橋 下闕二下闕

右碑文十九行行四十一字徑一寸後列銜名有尉河東
裴迴唐書宰相世系表稱迴司封員外郎亦見地里志河
南有伊水石堰天寶十年尹裴迴置卽其人也碑末尚有
小八分書一行祇存尉橋 二等字字徑六分筆意同前
疑亦一時所刻碑書字頗肥勁大似史惟則一派亦開元
時風尚也

充公頌碑

天寶元年四月立并側俱正書額八分書碑高六尺三寸

廣二尺七寸厚五寸在曲阜孔廟同文門

充公之頌

橫列字徑二寸

充公之頌

字四

朝議郎行曲阜縣令張之宏撰

字七

包文該書

若昔帝軌覆王綱顏則孔聖挺生而憲章克復故能蓋人極酌
彝倫聲明有度文武不墜講德泗上橫經淹□□□□□□
□代嗚呼毆徯壘蹈仁義曠志鵬海服膺蟻術瑳琢金玉鑽仰
情性者其唯充公乎公姓顏名回字子泉魯人也□□□□□
□□十□惠困而能通休休焉拾塵著德貧而不仕衍衍焉鼓
琴自娛雖行藏坐忘黜聰墮體確乎不拔潛乎自持猶以□□
□□□□□談岱嶽辯星精之騎及夫杏壇花白素王哀一辟
之交槐市葉青丹史煥四科之首輝光昭晰芝蘭鬱芬年代浸
遠久□□□□哉偉歟美哉偉歟之宏刻鵠見嗤雕龍寡譽昔

往神仙之郡未繫想於王喬今來禮樂之鄉猥飛聲於窳賤徒
以絃哥汁□□□翟之朝飛水鏡澄明希阜鸞之曉舞而都督
渤海李公諱庭誨八命分憂兩岐標慶海澄泓量月灼貞
明德之至則膏□□軒令惟行則仁風發扇實來茲邑泛覽川
原企佇耶墟慨然永歎曰城郭猶是鶴鳴千歲之歌陋巷空存
人簪一瓢之樂淥池春盡白露秋生古往今來曷惟其已

皇上禮行郊魯思闡文明則夫子乘通三之尊充公列惟五之
長乃頤而謂之宏曰張令文蔚國章智樹仁策揭光可大魯望
克部宣王旣以銘焉充公豈宜闕爾恭惟嘉命勒茲徽猷仰夫
亞聖同之前美由是也故得繚宮牆殖庭宇揅鳳翼友魚鱗清
冷萃風墮曜照日綠樹羅廓紅藥綴豳林霽囀鸞階香舞蝶宴
於斯餞於斯器用陶匏柔食不繫命曰稱充公之德歟遂吮墨

含毫聆奇眸美網鳳策獵麟書牽彼朱絲緯茲黃絹其頌曰

珠毓滄溟鳳飛丹穴况德君子聞諸往說彼美充公儒林秀傑

惠和天授聲聞風烈道成四友德浮十哲魯明御敗衛通哀洩

宛爾龍盤颺然鶴髮愆天喪予芳蘭已折

其一

聖皇有道四陲攸同

空三

恩覆天宇令發春風緬懷泗上

空三

唐相淹中俯微魯禮贈此充公天書戾止儒術昭融弁冕載頽

威光自雄

空三

皇情有實陋巷何空

其二

昭昭良牧彬彬文質熊

軾勸風準旗槩日嶽鎮鄒魯道流溟渤神秀疎聳雲鑒朗逸德

柔去殺仁深濟物來斯懷古中心壹鬱麥秀已謠黍離云述爰

命作頌傳諸故實

其三

瞻彼魯國地固人安龜息鬱氣洙泗鳴湍

礼經雲委物產星橫伊子作宰諒匪能官蒲城愧仲河陽謝潘

勢絲可理製錦良難儉懷簞笥礼想雪塹塗荒露泥樹古風殘

愛而不見慨然永歎棟宇是蒿金石斯刊悠悠千載其芳若蘭
徵事郎行丞隴西牛孝麟 文林郎守主簿平陽崔庭玉
登仕郎行尉廣平宋休光

尉天水趙再良 將仕郎守尉員外置同正員高陽許瑾

邠王文學文宣公孔璣芝

天寶元年歲次壬午四月乙亥廿三日丁酉建

碑側

大和九年六月八日奠謁題 張咸

右一段二行在碑側上截

大中八年正月七日題

緱山處士張隱

兗海節度推官試祕書省正字鄭繁

右一段三行在碑側下截左行

右碑文二十二行字徑一寸文詞工麗字亦遒勁有法李
公諱庭誨諱字下空二格亦變例也未題邠王文學文宣
公孔璉芝考闕里世系孔子三十五代孫璉之字藏暉開
元五年襲封褒聖侯授國子監四門博士邠王府文學蔡
州長史二十七年詔諡孔子文宣王進封璉之爲文宣公
兼兗州長史又唐書宰相世系表亦作璉之當以石刻爲
正顏子贈兗公亦開元廿七年事子淵作子泉避唐高祖
諱與顏氏家廟碑同密賤卽宓賤案顏氏家訓云處子賤
卽處義之後俗字爲宓或復加山今兗州永昌郡爲古單
父地東門有子賤碑漢時所立乃云濟南伏生卽子賤之
後知處之與伏古來通用誤以爲宓耳錢辛楣少詹云今

本史記仲尼弟子列傳作密不齊此碑亦用密賤字正之
推所議爲俗字也又云碑後列名有尉員外置同正員高
陽許瑾案唐六典上縣尉二人中下縣尉一人曲阜爲繁
縣故得員外置尉也

靈巖寺碑

天寶元年立行書舊在長清縣靈巖寺今佚

靈巖寺碑

并序

靈昌郡太守邕以法有因福口口得眞僧反止神人告祥宜或
眞空以悟聖或密口以接凡口謂之靈巖允矣眞晉宋之際有
法定禪師者景城郡人也嘗行蘭若若是者歷年禪師口勞一
人逝將辭去忽有二居士建立僧坊宏宣佛法識者以爲山神
耳因夫山者土之至厚谷者墟之至深水者因定而清林貝素

之經衡廊蓮花之獨人存法立事著名揚空矧乎辟支佛牙灰
骨起塔海龍王意資金仍舊昔者州將序具邑吏孔威廣口支
保多借器物而送之仍施絹五十匹口若武口阿闍儀鳳堵波
光堂大悲之脩舍利之口口身之造神祖之崇山口口增口口
口口也雲霞炳煥於丹青卽而察之日月照明口口口二口口
客植之不生汎於草間穢於壠上職由律住持入慧之境口繁
文字口筆杪於蓮章口廣問遺刻上座僧元景都維那僧口祥
口主安禪或上首口空或出等永言悟入大啓津梁咸高梯有
口勝公自照仍依俗諦天長其詞曰倬彼上人巍乎曾嶺冥立
福地神宮歲寺建置今古齊同磴道迢迢霞閣聆聽其二岳寺
台之國口岱之北阜蒲之要陲是人依法口事聯聲哉傳覺以

極斯萬

其五

大唐天寶元年歲次壬

石碑見趙明誠金石錄云唐靈巖寺頌天寶元年李邕撰
并行書未詳所在 國朝徐壇長集云李北海書靈巖寺
碑在長清縣長白山寺中尙完好云云案長白山在長山
縣境距靈巖尙遠
此必寶刻類編亦載是刻下注齊字蓋此碑在長清本寺
有誤也 元至山左屢飭拓工訪求未得嗣見趙晉齋魏所藏舊
本魄力雄偉爲北海得意書惜祇存上半下截已闕每行
剪標多誤不能定其原次茲姑仍標冊錄之趙君仁和廩
生好古士也收藏金石至四千餘種近無其匹

寧陽造像殘碑

天寶二年刻行書碑高二尺九寸廣一尺九寸在寧陽縣
西關

春秋之

書之表記惟公承禮樂

潔身□義不踐□□□服指□天道於無物宿至下闕

□□□俗□□□□□滅跡□□渾下闕

□智昇時同體□之識□□以爲凡亦以下闕

□□□飲者繼□乃云濟人之急豈無救下闕

□境□邱□□邑居□臨□□盼勢□度命工鑿井下闕

□□□□見底紅欄□□倒影涵空□綠楊以垂下闕

□□□陰故事□□在□於□汲引□□縛□□不下闕

□淨□□之如□豈非至人之□云爲於斯□大者下闕

藥□不□價西蜀賣□錢准百文皆德臧公亦庶幾下闕

晏如鄙塵不雜猗歟□□□□□焦氏更著精誠下闕

木同□天啓□□性□□□□煩惱無怖□以不下闕

住能到本處豈惟□□□□□□□□□□□□□□□□夫

下闕

重□其於女□□□及□□□□□□□□□□哉

下闕

聖文神武皇帝爰及七□□□□□□□□□□□□□□□□

下闕

相好斯具□大業成田□□□□□□□□□□□□□□□□

下闕

大唐天寶二年歲維鶉首月在林□□□□□□□□□□□□□□

右殘碑存字十八行字徑一寸江秬香搜得拓寄嚮未見

於著錄也

石門房山造像題字二十九種

年月書體詳後在臨朐縣石門房山北石壁

一題大唐天寶六□□□丁亥三月丁丑朔廿□□□廣

饒□□守志造像記正書十二行自左至右記中尙字卽

上之通用

一題仙口李令璋妻昌造像記正書八行記中菩薩創作
薩菩

一題濟南郡清信仕口行廉造像記後書天寶九口口月
正書凡六行

一題佛弟子口口仁造像記後書天寶七載九月正書凡
三行

一題像主監希莊天寶六載口口丁亥三月壬午朔廿八
日癸卯造像記正書三行

一題山石造像記正書四行

一題清信士李口口妻王氏正書五行可辨者惟此七字
一首行存白馬二字三行存君無其三字餘皆漫滅

一題口川口口口口昇造像記後書天寶六載十月四日

正書凡十一行

一題佛弟子李口賓等造像記後書天寶口載十二月卅日正書凡五行

一題金口合子女天膏口七載四月正書三行上下皆有殘闕

一題佛弟子杜二朗妻氏造像記後書天寶口載十一月十日正書凡三行

一題佛弟子兵部常選上柱國韓嘉昕造象記後書天寶七載二月正書凡四行

一題清信佛弟子孟士口造像記後書天寶六載五月四日正書凡五行

一題孫口如來弥勒像一正書八字上下俱闕損

一題臨淄縣李要妻王十二娘造像記後書天寶六載正書凡五行

一題佛弟子□□□爲祖母傳敬造□□彌陀像一正書三行

一題□大唐天寶六□歲次丁亥四月丙午朔六日辛亥卽城郡□濰縣人車懷璧造像記末行紀年止存十一月十四字正書凡七行

一題生父母□在眷屬咸同斯□六載三月二日建正書二行

一題弟子郭德礼造像記正書五行

一題佛弟武令本造像記正書二行佛弟下脫子字

一題清信仕上柱國王道成妻張氏造像記後書天寶九

載三月建正書凡六行

一題維大唐天寶六載歲次丁亥三月丁丑朔廿九日

口口鑄口人盧大娘女等造像記正書五行自左至右

一題維大唐天寶六載歲次丁亥三月丁丑朔廿九日乙

巳廣德鄉人王克勤造像記正書七行自左至右

一題口口令妻口口造像記後書天寶口載九月口七日

記正書凡二行

一存男難金口像一正書五字餘俱漫滅

一題大唐天寶口口口口房造像記正書九行

一題口口口口李思口造像記正書二行

一存男口弟天寶六載三月正書八字餘俱漫滅

右造象記二十九種文多殘闕中稱佛弟子兵部常選上

杜國韓嘉斯案常選之名見唐書宰相世系表竇氏令琇
令瓌並兵部常選令瑜吏部常選下又有汪渙並兵部常
選孫志廉墓誌銘有文林郎行文部常選上杜國韓獻之
張希古墓誌銘子長曰行瑾次曰崇積並武部常選又百
官志酬功之等有見任前資常選曰上資蓋應選士人隸
文選則爲吏部常選隸武選則爲兵部常選于時猶未注
官也然勲已爲上柱國竟至十有二轉視從二品名爵之
濫于斯甚矣又記書監希莊監爲監字之省蒼生作滄則
別體也諸記向無人尋拓今搜得之爲存其槩如此

贈東平太守章仇元素碑

天寶七載十月立八分書篆額在濟寧州城北三十里耿
務村南道旁

大唐贈東平郡太守章仇府君神道之碑

篆額四行徑四寸

大唐贈東平郡太守章仇府君神道之碑

院學士知史

官事韋之撰

翰林院學士內供奉左衛率府東蔡有

降書

嘗聞祀盛德者必及百世承大勳

錫肩繁茂在商則爲申爲呂在周則爲齊爲許枝分派別更

盛迭貴則太守章仇府君是其後也君諱元素字立素

于紀裂繡去國筮仕于周世守保章因官爲

姓秦項之際有雍王章邯爲漢併于位降處仇山取

因生之舊名增卜居之新号章焉自是流離荒服六

百餘載魏氏徙跡平城建都河洛君之六代祖馥參督始

歸中原仕至寧南大將軍徐充青齊相五州刺史馥州任

城郡守挹鄒魯之舊風慕洙泗之餘俗遺命留葬因而家焉復
因武陽遠於□部代爲魯郡□□任城人也大王父魏郡太守
諱夔大父萊州□□政烈考博陵郗錄事參軍諱孝方皆以
友悌博雅德良清白增修其勛克開厥後君卽博陵府□之弟
三子也稟粹含和中溫外朗行必誠信□□□之經學無浮
華莫匪詩書之奧弱冠以孝廉登科授將仕郎無幾將有捧檄
之□□□艱不赴□□免喪迺喟然而嘆曰士之所以降志辱
身者□□□然則隱居行義不患無位蓋所貴在乎全其道
也故富貴非道則不取貧賤非道亦不去齊景千駟不如縫紵
之一賢王氏五侯孰與單□□□□關却掃拒絕辟命澹然
歸真以壽而歿君子以爲鴻飛寥廓罕能測其所至哉夫人渤
海吳氏合宮丞少明之妹也嬪風婦則儀□□□□□□□

家終率禮而偕老嗣子銀青光祿大夫戶部尚書兼殿中監內
外閑廐等使兼瓊積祉所種濟美必復匪躬是徇爲國蓋臣拔
自郎□□□□□□□□董戎駟輶軒而案俗自衷斜之外
邛笮之內萬里澄清人安訟息間者□戎負德蟻聚□山職貢
不供兵車屢駕稟 聖皇之英筭震大國之威靈一舉而□□
□□再□□□其噍類罷析置吏班師舍爵 天子議以殊賞
酬其懋勛迺推錫類□□□追遠□寵開元廿九載秋七月
詔曰益州大都督府長史兼□御史中丞持節劍南節度□使
營田副大使本道兼山南西道採訪處置使□□□瓊父故將
仕郎元素氣含純粹才擅奇特資禮樂而秉彝負文詞而擢秀
議能多通稟命不融德建昭代久淪幽壤雖馳暄易遠松楸成
行而餘□□鍾芝蘭克茂瞻言肩子每効忠公揔節制之師致

驍揚之捷行賞爲重爰贈介先俾自葉而流根庶慰存而榮歿
可贈宋州司馬天寶三載秋九月 詔曰蜀郡大都督府長史
兼御史大夫章仇兼瓊祖故博陵郡錄事參軍孝方父贈睢陽
郡司馬元素等 口才繼跡雅操宏風累德成名克家存 生
令后幹用於時搃戎懋其勳績秉憲肅其綱紀榮親廣行旣資
孝以爲忠自葉流根載敷澤而彰善宜加禮贈俾昭餘烈孝方
可贈汲郡司馬 可贈使持節東平郡諸軍事東平郡太守
又 詔曰兼瓊 祖母王氏故母吳氏女則懿範母儀盛德何
嘉慶傳嗣徽音誕此良才克昭遺訓 褒賢之贈錫其有
禮之封王氏可贈太原縣君吳氏可贈勃海郡夫人初尙書既
孤伯父麻城令崇節及麻城之夫人馬氏親加訓育恩逾所生
洎 獻凱策勳泣奏其事 上爲之撫然特 詔追贈麻城府

君爲楚州刺史馬夫人爲扶風縣君嗚呼厚於仁者□其□愛
其親者及其類所謂孝□□□也故得明主感歎嘉迺誠心贈
策□□哀榮存至非夫慈惠恭儉福履所積膺靈感通明神所
勞則孰能臻於此哉於是載美簡策流芳琬炎永□□裔豈惟
太原有道無媿□□之詞南陽文學空傳子□之頌其詞曰
系自炎皇惟裔之□□□□去紀爲章拒漢協楚失其封疆
言遘華夏□潛要荒魏氏徂南卜遷嵩邱我宗復昭列于周行
纂□軒裳□□□□□東平皎如琳瑯□□□□□五常
辟祿願道哉耀含芳積善□裕克生才良準繩憲府恢復戎場
勳績所酬寵贈惟光迺立廟祧以榮邦鄉□□□□□□□
俾□休烈如川之長臣烈不揚臣忠不彰子孫是瞻永思勿忘
天寶七載歲在戊子十月戊戌朔二十下

右碑磨滅幾盡又裂爲三無可辨識惟碑額四行尙完好
偶檢 國初葉林宗萬金石文隨錄載此碑全文亟爲補
錄案李白荅杜秀才詩云聞君往年遊錦城章仇尙書倒
屣迎注謂章仇兼瓊也今据此碑兼瓊卽元素子官益州
大都督府長史持節劍南節度使政績著於西蜀而史書
不爲立傳其祖父名字微此碑幾湮沒無聞矣

薛待伊造石浮圖頌

天寶九載十月刻正書在濟寧州晉陽山下張家村關帝
廟前

大唐□□九載歲次庚寅十月景辰朔十八日癸酉□□斯□
亡□□原夫超三界越四生者非 至真至聖其能免□□
至真如何無不著 至聖如何無求不救是故欲拔苦糸當憑

眞正仗有爲之相功德足修究無爲體理嘿虛運與有處士薛
待伊者望河東汾陰人門盈組綬冠冕相輝雄氣過人志節逾
衆承家孝友奉 公壘誠故詒□如之境加危□難久彌 祀
德之餘訓懷 父母之鞠育思報恩 昊天無極遂獨深願敬
造七級石浮圖一一□見存 父母棄福善齊眉百齡嘉祐日
新永招餘慶爲亡□□□□□氏樂安□□□功德願力冥
杳永拔三塗長昇五□□前外內眷屬等同茲□□□負乃材極
崑珉匠窮異術方如珪者爲彫□級級如形者□□□信莫不
瞻仰發念頂礼消憊不日云□□□□果恐浮□□□□□
勒頌貞福以表將來其詞曰

至眞□象浮圖示形□□□華鈴韻□□頂撞影泉壤拔靈含
化□仰通幽洞冥一其 至人眞□心遠盈涅而無緇□濁能清

倘儻博物□□孔明一口勝辟□釣□

碑側

唐處士薛待伊者世居□村稟性至孝爰自天寶九年爲雙親特□言願遂立此碑及浮圖七級曲盡爲子之道計其到今時近四百矣無何中間連值兵火摧墜洲塹交漸湮微僅等雖鄙朴無堪然每讀其碑其意莫不善重美以慕薛公一孝之誠安認坐視凋壞使斯人之行不□□□□久乎僅等遂迺協力名僧希唐再立於是蓋非妄口庶久其傳者云 大齊阜昌八年五月初八日本村音系首劉僅謹記同建立人劉興劉□劉□劉全劉□□劉□彭立王□張全王昌王□神□□□□王□□□□張□劉迎曹□劉□仇□程□王□□

右碑朱朗齋從他處錄得未詳尺寸行款首行九載上闕

二字以歲次庚寅攷之當是天寶九載也碑側上下皆列
姓氏中刻爲齊阜昌二年劉僅重立碑記亦附載之

常董生等造象碑

天寶十一載八月立正書凡二石俱高三尺廣一尺在濟
寧州城內普照寺校武場壁間

右二碑一題惟天寶十一載歲次壬辰八月乙亥朔廿六
日庚子口主常董生云云八行一題施石人孫法云云八
行皆施財同造象之人也

雲門山造象題字七種

天寶十一載十二月立俱正書在益都縣雲門山陽石壁
佛龕下

一題大唐天寶十二載歲次癸巳十一月戊戌朔廿一日

戊口清信士口口口造像記十三行

一題口性千秋供養六行

一題故人王肝造像記橫列十行

一題比丘尼世僧造像記四行

一題天寶十一載十二月季思敬供養一行

一題天寶十二載二月清信仕口口口造弥勒像記五行

後又題造定光像記七行

一題天寶十二載二月十五日北海縣尉李栖梧記二行
後刻維那一人女弟子十八人男弟子十人末有大宋國
青州大中祥符九年三月二十八日記十七行李栖梧官
北海縣尉攷舊唐書地理志北海武德二年於縣置濰州
八年廢濰州仍省營邱下密二縣以北海屬青州故縣尉

得於此題名也

右造像七種皆段赤亭親至雲門拓歸者

雲門山投龍詩刻

天寶十一載立正書崖高四尺五寸五分廣二尺在益都

縣雲門山洞西關帝廟後北壁

上闕

北海郡太守趙居貞述

渤海吳口書

郡人李元莊

鐫

上闕

事全唐詩無此字月己巳中散大夫使持節北海郡諸軍事守唐

詩無此字

北海郡太守柱國天水趙居貞登雲

上闕

奉爲

上闕

大寶聖文神武口口皇帝祈福也先是投禮太守不行以

掾吏代之余是年病月

全唐詩作病目

戾止以爲

上闕 代固全唐詩非禮也當是時上元投禮猶未備余責壁觀

之皆不肖於是詰全唐詩此二十二字皆無

上闕 撰良日躬詣祈福全唐詩無爰及中元下元並躬行下闕

此行

上闕 祝拜焚香投龍璧全唐詩禮畢有瑞雲從洞門而出五

色紛郁廻翔空中有全唐詩聲曰

上闕 一万一千一百歲真禮者口聞之余乃手舞足蹈賦詩以

歌共事遂於巖前刊全唐詩石壁以紀之

口口雲門山直上壹千尺絕頂彌口聳盤途幾傾窄前對豎裂

峯口口削成壁陽口靈芝秀陰崖仙乳口全唐詩作陰口口口

羣山遠望何所隔太陽未出海曠見半天赤全唐詩闕大壑靜

不波渺溟無際碧全唐詩作極字是時雪初霽近寒氷更積水全唐詩作水赤

全唐詩
誤作披展送龍儀寧安服狐白□□惟

聖主祈福在方伯三元章醮昇五域□□全唐詩誤此二字觀帘幕翠

微亘机□丹洞關□□鳴天鼓拜傳端素冊霞間□□□嵐際

黃裳襲玉□全唐詩作策□□信□□□奔驛□氣入岫門瑞雲出

巖石至誠必招感大福旋來格空□□□□

帝壽萬千百全唐詩亦止此

上闕陳方外□相長史□□□楊幼玉李潤司馬段

□

上闕錄事叅軍崔晏司功□克烈益都令裴昇丞李俊

□□□張思□□尉裴冀

上闕軍王□文鄭廷杞以下

右碑文十八行行三十九字徑一寸段赤亭嘗以全唐詩

校之頗多異同茲皆注於本文之下前稱北海郡太守趙
居貞述渤海吳口書文可見者羣月己巳中散大夫使持
節北海郡諸軍事守北海郡太守柱國天水趙居貞登雲
閣奉爲闕大寶聖文神武口口皇帝祈福也案全唐詩載

此序羣月上有大唐天寶元載歲七字攷舊唐書元宗紀
天寶七載三月羣臣請加皇帝尊號曰開元天寶聖文神
武應道許之八載羣臣上皇帝尊號爲開元天寶聖文神
武應道皇帝今是碑所書尊號與紀合又歲在壬曰元載
十一載爲壬辰居貞以是年到官則爲十一載無疑矣段
赤亭據文獻通攷中宗先天元年舉手筆俊拔科有趙居
貞同杜昱等及第正卽貞避宋仁宗廟諱也又言全唐詩
居貞鼓城人任吳郡採訪使天寶中官北海太守斯言可

徵其實

興國寺碑

天寶十三年十月立正書有額碑高四尺一寸廣二尺三寸在滕縣靳村西北十五里興國寺

亡父

下闕

正書

天寶十三載歲次甲午十月癸亥廿五日亥建立施主□□□□男李客□張生□□□□□□□□施三

下闕

原夫大道冲元咬三微於秘象眞□寂滅窮四諦於宏津故知化事天中證涅槃而□解脫神遊□□□□劫而□因緣寶介福而無量寄花奉佛功猶未泯福不唐捐是知教自東□□雲雷之化□道光南土□極樂之門巍巍乎□將聖之迷路蕩蕩乎扇□□之無玆乃使四地不住二暑無停誰律管以□年轉

五行而司氣有靈之□莫貴於人人輪之重莫先於孝今有清
信佛弟子上谷郡□□成公曰思□周公之胤緒奕葉相承更
有志成桑公曰□生□同□□一堂生居徐部皆是種植□□
識苦海之難□知法船之運已早覺火宅以□燭□□之□□
也不才□□□之門諸宣考取藉其詞雖聞人口陵雲□□童
□之□□□思□□貫□於詞林冀□伐之台芳保介福而無
量遂去□九載□日□□忽夢寐□□□境施伽藍地一所
號曰神花又建立神碑一口造阿弥陀像一軀上爲□□□□
安樂天下廓清師僧父母常保康□見存眷屬□□十□七代
先□□□□其碑乃真匠刊琢藻績瑩然立矣乎狀蓮蕩而□
雨露璀璨乎若□山而控瓊樹其龍也莊嚴煥然暉赫曜□卽
得□□□輪復□爛□之眼眩思之意亂其像乃光明赫易□

弊眾星其地也左望連書之口右眺任城前林膝阜却口敬夫
其時信仕口口咸曰口口口人傾邦俱稱口大乃為詞曰字口二
古照三空口元間窈智度口普口口口口中貞口孝口口聞
造像建立口口同口其三界眇芒四大成虛取口口口貞心未
餘口口口海入清淨廬三乘一合不住口口其口由口易陵谷
無恒匪下關十妙法真能天口地口口相常存其口口佛堂
匠邵口建宮

右碑文二十行字徑八分文多佛氏語內言福不唐捐者
一切經音義云唐徒也徒空也說文捐棄也以人輪為人
倫乃別字

高乾式造象碑

天寶十三載閏十二月立正書在濟寧州城北興文鎮佛寺

丙

右碑額間刻像一軀中分二層亦刻佛像左邊題心主高
乾式爲亡考敬造神碑一所上爲國主下及師僧父母七
世先亡見存眷屬同登正覺右邊題唯天寶十三載歲次
甲午閏十一月壬戌朔廿四日建立餘皆施主姓氏惟中有
小楷一段皆漫滅不可詮次朱朗齋云此碑高六尺廣二
尺六寸

興文鎮佛寺殘碑

無年月正書石高五尺六寸廣二尺在濟寧州城北興文
鎮佛寺大殿下

右碑殘闕殊甚細玩文義有長沙太守及林藪三族等字
又有夫人字節行字不負松筠字銘詞有靡蕪葉盡及靈

柏字似頌婦人節操之粹前則追敘其先世也碑無年月可系以其與高乾式碑同列因附于後

東方朔畫像贊

何遜

天寶十三載立正書篆額陰額八分書碑高八尺一寸廣三尺九寸在陵縣城東北二十五里祠內

漢大中大夫東方先生畫贊碑

額六行篆書徑四寸

漢太中大夫東方先生畫贊

并序

晉夏侯湛撰 唐平原太

守顏真卿書

大夫諱朔字曼倩平原厭次人也魏建安中分厭次爲樂陵郡故又爲郡人焉事漢武帝漢書具載其事先生瑰璋博達思周變通以爲濁世不可以富貴也故薄遊以取位苟出不可以直道也故頡頏以傲世傲世不可以垂訓也故正諫以明節明節

不可以久安也故談諧以取容潔其道而穢其跡清其質而濁其文弛張而不爲邪進退而不離羣若乃遠心曠度膽智宏材倜儻博物觸類多能合變以明筭幽贊以知來自三墳五典八索九邱陰陽圖緯之學百家衆流之論周給敏捷之辯支離覆逆之數經脉藥石之藝射御書計之術乃研精而究其理不習而盡其功經目而諷於口過耳而閑於心夫其明濟開豁包含宏大陵轢卿相嘲哂豪傑籠罩靡前跼藉貴勢出不休顯賤不憂感戲萬乘若寮友視儔列如草芥雄節邁倫高氣蓋世可謂拔乎其萃遊方之外者也談者又以先生嘔吸冲和吐故納新蟬蛻龍變棄世登仙神友造化靈爲星辰此又奇怪忽恍不可備論者也大人來守此國僕自京都言歸定省覩先生之縣邑想先生之高風徘徊路寢見先生之遺像逍遙城郭觀先生之

祠宇慨然有懷乃作頌焉其辭曰

矯矯先生肥遁居貞退不終否進亦避榮臨世濯足希古振纓
濯而無滓既濁能清無滓伊何高明克柔能清伊何視汙若浮
樂在必行處儉因憂跨世凌時遠蹈獨遊瞻望往代爰想遐蹤
邈邈先生其道猶龍染跡朝隱和而不同棲遲下位聊以從容
我來自東言適茲邑敬問墟墳企佇原隰墟墓徒存精靈永戢
以思其軌祠宇斯立徘徊寺寢遺像在圖周旋祠宇庭序荒蕪
椶楝傾落草萊弗除肅肅先生豈焉是居是居弗形悠悠我情
昔在有德罔不遺靈天秩有禮神鑒孔明髣髴風塵用垂頌教
碑陰

有漢東方先生畫贊碑陰之記

額六行八分書徑四寸

東方先生畫贊碑陰記

唐平原太守琅邪顏真卿撰并

書及題額

東方先生畫贊者晉散騎常侍夏侯湛之所作也湛字孝若父
莊爲樂陵太守因來觀省遂作斯文贊云大夫諱朔字曼倩平
原馱次人魏建安中兮馱次爲樂陵郡又爲郡人焉馱次今移
屬樂安郡東去祠廟二百里故馱次城今在平原郡安德縣東
北廿二里廟西南一里先生形像今則捏素爲之并二細君侍
焉郡嘗爲德州其贊開元八年刺史韓公思復刻于石碑真卿
去歲拜此郡屬殿中侍御史平公列監察御史闕公寬李公史
魚右金吾曹宋公審咸以河北採訪使東平王判官巡按狎
至真卿候於境上而先生祠廟不遠道周匝與數公泉家兄淄
川司馬睢卿長史前洛陽令蕭晉用前醴泉尉李伯魚徵君左
驍衛兵曹張璠遊尉韋宅相朝城主簿韋夏有司經正字畢

耀族弟渾前叅軍鄭悟初同茲謁拜退而遊于中唐則韓之刻石存焉僉歎其文字纖靡駁癯生金卅年間已不可識真卿于是勒諸他山之石蓋取其字大可久不復課其工拙故援翰而不辭焉至若先生事迹則載在太史公書漢書風俗通武帝內傳十洲記列仙神仙高士傳此不復紀焉有唐天寶十三載季冬辛卯朔建

右畫贊文凡二十二行碑陽十八行和而不同棲遲止碑陰四行下位聊以從容起後刻記文十四行行皆三十字徑二寸縣志載東方先生祠在神頭店卽漢之猷次縣也顏書八分惟見此額筆勢雄勁可貴錢辛楣少詹云記中采訪使東平王者安祿山也平冽李史魚二人名見唐書祿山傳碑建於天寶十三載季冬其明年祿山亂作矣

鄒縣天寶造象記

天寶十五載三月刻正書在鄒縣

右碑題像主朱五娘造象記後書天寶十五載三月廿三日建凡四行此亦朱昶齋從他處借錄未詳尺寸